

De Fidel a Raúl

Descrição

A contundencia de Raúl Castro non pode ser maior: ou cambiamos ou nos afundimos, a risco de acabar co traballo de varias xeracións. Por certo que, entre as causas do mal que están as cousas, citou varias pero non vexo que se refira ao chamado “bloqueo” da illa. Toda unha novidade.

A contundencia de Raúl Castro non pode ser maior: ou cambiamos ou nos afundimos, a risco de acabar co traballo de varias xeracións. Por certo que, entre as causas do mal que están as cousas, citou varias pero non vexo que se refira ao chamado “bloqueo” da illa. Toda unha novidade.

Fálase na prensa de que a apertura á iniciativa privada é imparabile. Pero o problema é outro: como dixo o Ministro de Economía, Marino Murillo, o Estado non ten recursos para garantir o abastecemento dos produtos e materias primas aos “cuentapropistas” a prezos de maioristas.

Alugar as casas ou, os que residan no estranxeiro, os seus vehículos, a posibilidade de pedir créditos ao banco para comezar negocios (cando o Estado carece de recursos para que isto sexa unha realidade), permitir o traballo asalariado, algunhas descentralizacións... non semellan grandes cambios para poder saír do tobo.

A prensa informa tamén de que o tema económico é o único que está na axenda para ser tratado no VI Congreso do Partido previsto para a segunda quincena de abril, onde se espera que sexan autorizadas as pequenas e medianas empresas e as cooperativas, aínda que sexa “bajo el ojo atento del Estado”.

Nin sequera un capitalismo ao xeito chinés, baixo o férreo control do Partido. En calquera caso, haberá que agardar a que se celebre ese VI Congreso para ter unha idea do que verdadeiramente se poderá conceptuar como cambios. Do que se trata, como dixo Raúl, non é de cambiar ou de substituír o socialismo senón de poñelo ao día. Non será pouca moral a que precisa.

APARTADOSTEMATICOXEOGRAFICOS

Latinoamérica

ETIQUETAS

Cuba

IDIOMA

Galego

Data de creación

Dezembro 20, 2010

Metacampos

Datapublicacion : 2010-12-20 00:00:00